

kontuola

KONTUOLA, Idolaz elkarte, ANTZUOLA. Kazetaria: Marijo Deogracias **Maketazioa:** Iñaki Iturbe **Publizitatea:** Kristina Romero **Erredakzio kontseilua:** Miren Anduaga, Gotzon Iparragirre, Patxi Kortabarría, Jone Larrañaga **Testuen zuzenketak:** Maripi Laskurain, Lierni Legorburu **Telefonoa eta faxa:** 943 76 65 08, Herri ikastetxea.

Antzuolako hamabostekaria, 27 zenbakia. 1998ko abenduaren 4a.

Bai euskarari Antzuolan

XXI. mendeko akordioaren inguruan herrian taldea eratu da

Euskal Erakundeen Kontseiluak bultzatzen duen "XXI. mendeko akordioa: Bai euskarari!" kanpaina heldu da Antzuolara. Dagoeneko hainbat herritar ari dira biltzen abenduaren 26an Euskal Herriko bost estadiotan ospatuko den jaialdien inguruan jendea girotzeko. Horretarako Antzuolan ere jai egun bat antolatzen ari dira.

Joan zen eguaztenean egin zuten lehenengo bilera eta jende gutxi bildu zen arren, jadanik abenduaren 19a, zapatua, hautatu dute "Bai euskarari" lemapean kalera atera eta hainbat ekitaldi egiteko. Helburua garbia da: Euskal Herri mailan egiten ari den "XXI. mendeko akordioa: Bai euskarari" kanpainaren izenean, abenduaren 26an Euskal Herriko bost estadiotan egin nahi diren jaialdi erraldoi horietarako giroa. Miarritze, Bilbo, Donostia, Iruñea eta Gasteizko estadioetan egingo da ekitaldi nazionala. Bost lekuak komunikatuta egongo dira jendeak aldi berean beste estadioetan pasatzen dena ikusteko.

Bai euskarari Antzuolan

Herriko hainbat taldetako ordezkariak bildu ziren joan den asteko eguaztenean egin zen bileran. Gipuzkoako Kontseiluko kidea, Larrait Mendizabal donostiarra, etorri zen Euskal Erakundeen Kontseilua zer den azaltzera eta Bai euskarari kanpainaren berri ematera.

Kanpainaren abiapuntua, "euskarren normalizazio prozesua azkartzea da. Horretarako akordio sozio-politiko-ekono-

miko zabal bat lortu nahi da Euskal Herriko hainbat erakunde eta agente garrantzitsurekin". Asko dira ekimen honi baietza eman diotenak. Datorren abenduaren 26an ospatuko da kanpainaren ekitaldi nagusia: "jaialdi erraldoi bat izango da eta Euskal Herriko bost estadio nagusietan". Herrian ere jai egun bat antolatzen ari dira bilera horretara bildu zirenak. Oraingoz abenduaren 19a hautatu dute horretarako eta gauzak okertzen ez badira, behintzat, zapatu hori

izango da antzuolar guztiok "Bai euskarari" lemapean ospatuko dugun eguna. Abenduaren 10ean hurrengo bilera izango da 19:30etan Herriko Eskolan.

Gasteizko Mendizorrotzara

Oraindik garbi ez dagoen arren, Deba Garaiko eskualdeko herritarrak Gasteizera joatearen aldekoak dira Gipuzkoako Kontseilukoak. Herritik autobusa ipiniko da jaialdira joateko.



Gizarte osora zabaldu nahi da euskararen aldeko kanpaina hau.

Abenduaren 19an jaialdia egingo da herrian
"Bai euskarari" kanpainaren barruan

Arrola elkarteak eta mendizaleak

Federatzea beharrezkoa dela diote Arrolako juntako kideak

Uztailaren 25. urteurrena bete ondoren, Antzuolan jende gehitxuen mugitzen duen taldeak, ARROLAK, iraganetik ikasiaz, baina beti ere etorkizunean begiak jarrita, bere horretan jarraitzen du lanean. Euren esanetan "haize errotak (parke eolikak), errepidiak, autopista edota trenbide erraldoiak disfrutatzen mendi apur bat lagatzen doskuen bitartean, behintzat, hor ibilliko gara, gazteiei eta gazte izandakuei mendi eta naturarekiko maittasuna txertatu nahian".

A

maitzear dagoen urte honetan Arrolako juntakide batzuekin elkartzeko gara solasaldian, euren ibilaldi berri eta premien berri jasotzeko. Mendizale elkarteak arlo bat baino gehiago lantzen ditu. Eskola artekoa da horien artean garrantzitsuenetakoa.

"Bai, gaurko umiak izango diralako biharko mendizaliak, eta etxe bat oiñari onekin jaso ezker, tinko eutsiko jao. Horixe da lortu biharrekua, gure nagusiak lagatako kataia ez apurtzia". Horretarako mugak ikusten dituzte gaur egun: "lehen 14 urtera arte ikisten zebe herri-xan eta eskolia erabiltzen gñuan umiak animatzeko. Oin Bergarara jua biharrekin, txikixenak besterik etxaku eskura geratzen. Horrek hutsune bat sortzen dosku". Honi aurre egiteko ahaleginak egin badituzte ere, oraingoz ez dute konponbiderik ikusten, eta alde horretatik edozeinen ekarpenak onartzeko prest daude. "Txikixaguekin moduz moldatzen gara, azkenengo irteeria ikusi besterik eztago; eguraldi txakurra egin arren 25 bat ume etorri ziran Karakatetik Elusu-



Ekainean izan ziren Aiako Haitzean eskolarteko martxan.

raino, asko, gaiñera, estirañeko aldiz, bidetako trikuharri eta tumuluak ikusiaz, eta Anaje Narbaizak (mila esker berari) emondako azalpenak entzunaz". Abenduaren 13an aurtengo azken irteera egiteko asmotan dira umeekin, Angiozartik Elgetara, eta Intxorta aldean antzinako frenteko kontuak entzuteko aukera ere izango ei dute. Dena dela, aurtengo egitaraua oraindik amaitu barik eduki arren, dagoeneko, urte berrirako egutegia ia osatuta daukate. Gainera ideia berriak jasotzeko prest daudela adierazi nahi izan digute.

Neska gutxi

Beste gai askoren artean, irteeretan somatzen den neska falta aipatzen dute "hain zatarrak ete gara, ba...?".

Umetan neskatila gehiegi ibiltzen ez bada ere, urteak aurrera joan ahala urritzen joaten da kopurua. Euren esanetan, "garai baten oso azkar ibiltzeko familia zeukan Arrolak, baiña oin asko apalduta gare; Antzuola-Donostia egiteko, esate baterako, lehen baiño pare bat ordu gehixago bihar izaten dittugu eta proportzio honetan beste danak. Gaiñera, aha legintzen gara irteera danetan bidia eza gutzen daben bateren bat azkena jua dedin". Hala eta guztiz ere, emakumezko gutxi joaten da mendi irteeretara. "Zer dala eta ...? matxismuaren eraginak ete...?" Hor guztiontzako erronka.

Geroz eta altuago


Aurtengo partean, historian zehar menditalde bezala iritsi diren mendirik

KALEGOI 19 ☎ 943 76 64 07

Tomas Gezalaga

ANTZUOLA BERGARA

- Zoruen kutxilatuta eta barnizaketa •



Z Zabalo Iturgintza S.L.

Bidea eginez

Tailerra: Uzarraga bidea 10. Tf. 943 78 71 78

Erakusketa: Kalebarren 1. Tf. 943 78 71 79, Tf. eta F. 943 76 64 73

- Gasak
- Berogailuak
- Haize egokitua
- Enpresen mantenimendua
- Lurrin instalazioak
- Bero-aurrezteak
- Bainugelak. Proiektuak momentuan egiten ditugu DIBaren bidez
- Birgaitze-espeditentak bideratzen ditugu

ederatuak

altuenera ere eraman dute Antzuolako herriaren izena: Anetora, Pirinioetako gailurrik garaienera (3.404 m). "Kriston suertia euki giñuan, hiru egunetatik guk puntara juateko aukeratu giñuan eguna besterik etzozkun ona egin; eta zelakua gaiñera!". Begi bistan dago oso gustura daudela irteera harekin. Hamasei lagun joan ziren, tartean bi neska besterik ez; "eta bat, gaiñera, kanpokua". Eta eguraldi ona lagun, denak gailurreraino "batzuk kurutzara eta bestiak Mahoma pasabide famaturaino ailegau giñan. Metro bete edur berri bazan, baiña... Tartian, goimendixan asko ibilli bareko bi gazte be baziran; eta hotz pixkat pasau arren, oso gustura geratu zirala entzun dogu".

Federatu beharra

Juntakideek azpimarratzen dutena da horrelakoak egiteko ezinbestekoa dela mendizaleei federatu daitezela eska-

tzea. "Talde gehixenetan federatuta ez-pazare ezin zara juan, ez Pirinioetako eta ezta beste batzutara be; zeozer pasau ezkeror orduan etortzen dira kontuak Ondo begiratuta, federatzia ezta hain garestixa. Batetik segurua daukuzu, baiña baita errefujixotarako erreserbia eta deskontua be, Pyrenaika etxian... Eta dana hillian milla pezeta baiño gutxiagoan". Diotenez, "aberi-xak eztira bakarrik edurretan edo eskalatzen egitten, gehixenak -estatistiken arabera- hemen zihar, bueltako mendixetan gertatzen dira; eta danok dakigu zelako kokotekuak emoten doskuen, bai medikuak eta baita errehabilitaziñuetan be norbere kontura egin ezkeror". Hori guztia kontuan hartuta, ezinbestekotzat jotzen dute federatzea. "Aurten nobedade mordo bat daren; Europarako segurua, esate baterako, desagertu egingo da, eta aukera berrixak agertu dira oso prezio onian". Badakizue, mendian seguru ibili nahi izanez gero, kasu egin!



1995ean Lizaratik Kandantxura egindako mendi irteera.

Berrikuntzeekin jarraituz, aurten, bedidanik egin izan diren ekintza batzuek aldaketaren bat izan dute. "Gure ustez mendixan dabillen jendiaren arabera gure ekintzak be moldatu biharra dago. Akanpadiari, adibidez, mendiko kutsu gehixago emon nahi izan jau, zakar antzian esanda: jan-eran gutxiago eta ibilli gehixago. Eta Finalista Egunarekin antzera, antziñako mendiko erromerixetan bezela, bakoitzak bere jana eruan, eta guk saldia eta txorixua emon".

Umeek mendiko bizikletekin egindako irteera ere nobedadea izan zen. "Urbasa alde-ara egindako irteeria ezkeror, umiak isildu bari-rik dabitz galdezka noiz egingo ete dogun beste holako bat. Horrekin batera, plaiakuak eta Anoetakuak kriston arrakastia eukitzen dabe". Arrolak urtero perretxiko erakusketa ere

antolatzen du. Aurrerantzean ordea, bi urtetik behin antolatuko dute "bestela oso errepikakorra izaten da".

Euskal Herritik kanpora ere askotan joan dira. "Gaztien artian horretxek dauke arrakastarik haundixena, hori eskatzen doskue". Maristetan ere rokodromoa estreinatu dute aurten. "Udaletxiarekin batera ipiñi giñuan eta gazte batzuk gogor dabitz hantxe; oin ikusi egin bihar nun eta zela geratzen jakun hau trasladiarekin".

Kontuak kontu, azpimarratu digute astelehen bat bai, hurrengoa ez, 7etan elkartzen direla betiko lokalean eta atak zabalik dituztela edozeinen ekarpenak edo kritikak entzuteko. "la kapaz garen danon artian beste hainbeste urtetan talde hau martxan eukitzeko. Eta gogoratu, mendixan gozatzeko eztala lñurrategitar bat izan bihar; nahiz eta apal-igual, hortara be allegau".

■ ■ ■
*"Garai baten oso
 azkar ibiltzeko
 famia zeukan
 Arrolak, baiña
 oin asko
 apalduta gare"*
 ■ ■ ■

LARREA

TABERNA

Kalebarren 17
ANTZUOLA

EGAÑA

Era guztietako arotz lanak

Tarima eta parketa jartzea
Zoruen kutxilatu eta barnizatuak

Kalegoi 21, ANTZUOLA Tf.: 943 76 64 23

KALEGOI 19 ☎ 943 76 64 07

Tomas Gezalaga

ANTZUOLA BERGARA

- Apainketarako eta industriarako pinturak •
- Paper margotuak •
- Mokatetako eta tapizatuak •



Iazko Santo Tomas feriarene une bat.

Santo Tomas eguna

Abenduaren 21ean, astelehena, izango da Santo Tomas eguna. Antzuola-ko neska-mutikoek ere astelehenean ospatuko dute jai eguna. Txerria nagusi izaten den egun honetan ordea, ez da txerri-egongo eskolako umeek herriko plazan jarriko duten ferian. Urtero txerri txiki bat zozketatu duten arren, aurten urdaiazpikoa zozketatuko dute.

Zozketa 17:00ak aldera izango da,

herriko plazan, eta zozketaren ondoren azoka bera ere jasotzen hasiko direnez, txartelak erosten dituztenak, plazara lehenbailehen gerturatzeko eskatu dute.

Eskolako neska-mutikoek herriko baserrietako animaliak eta nekazal produktuak jarriko dituzte ikusgai. Txistorra eta txokolate beroak banatuko dituzte bertaraten diren guztien artean, hotzari aurre egiteko.

Jubilatuendako Gabonak

65 urtetik gorakoek Gabon eta Nabititate eguna Donostiako Orly hotelean igarotzeko bi aukera izango dituzte.

Bata, Gabon gaueko afaria eta gaua pasatzea, eta bestea, gabon gaueko afaria, gaua eta Nabititate eguneko bazkaria. Ordaindu beharrekoa, berriz, norberaren edo bikotearen dirusarreraren arabera izango da. Izena emateko edo informazio gehiago eskatzeko, Bergarako Jubilatutxo Etxera jo daitezke abenduaren 16a baino lehen. Telefonoa: 943 762140.

Diapositibak eta hitzaldiak

Koke Lasas eta Ramon Garate gonbidatu dituzte Arrola Mendizale Elkartekoek herrira. Abenduaren 10ean, eguna, Koke Lasas Manaslu mendiaren inguruko kontuak azalduko ditu, diapositibekin batera.

Abenduaren 15ean, martitzena, Ramon Garatek, Euskal Mendi Federakundeko sendagileak, osasuna mendiari izango du hizpide. Bi saioak zinean izango dira, arratsaldeko 19:30etan. Bestalde, abenduaren 13an, Intxortara irteera egingo dute haurrentzat, 08:30etan irtenda. Izen ematea abenduaren 9an, 19:00etatik 20:00etara.

Dokumentu zaharrak ikusgai

Udaletxeko Kultura batzordeak herriko dokumentu zaharren erakusketa antolatu du datorren abenduaren 12rako. Herrian bertan dauden dokumentu zaharrez gain, Donostiako Gotzaitegiako artxiboan urteetan bildu diren hainbat dokumentu historiko ikusteko parada ere egongo da egun horretan. Asmoa herrian dagoen aberastasuna erakustea da, dirudienez, Antzuolan beste lekuetan baino dokumentu historiko askoz gehiago bildu dira ere. Gainera herrietako asko "altxorrek" omen dira. Aukera polita, beraz, herriko historia ezagutzeko.



Pilota partiduak

Abenduaren 19an jokatuko da herriko eskuz binakako pilota txapelketaren finala. Oraindik zeintzun artean jokatuko den ez dakigun arren, final erdiak ez dira jokatuko eta, partidu ikusgarria izango da dudarik gabe. Abenduaren 12an, zapatuan, final erdiak jokatuko dira eta hurrengo zapatuan, hilak 19, izango da txapelketaren finala.

GOROSTI
Taberna

☎ 943 76 62 96
Zurrategi plaza ANTZUOLA

LEKU-BERRI
MERENDEROA

Janariak eta edariak

Tf. 943 76 60 94

igor eta Txomin

Pintura orokorrean.
Paper, tela, binilo, kortxo... estaldurak.
Gotelesa, iztukuak eta
bestelako imitazioak.

ANTZUOLA BERGARA
☎ 943 76 60 39 ☎ 943 76 19 98

ANTZUOLA

Apainketak eta
isolamenduak
Pladurrezko dibisioak

Kalegoi 21 ANTZUOLA
Tf.: 943 72 30 05
Biltegia: 943 78 70 40